




Här Fernand Etgen  
President vun der Chamber



Här President,

Esou ewéi den Artikel 83 vum Chambersreglement et virgesäit, bieden ech lech, dës parlamentaresch Fro un den Här Gesondheetsminister an un den Här Minister fir sozial Sécherheet weider ze leeden.

De Regierungsrot huet gëschter decidéiert datt deemnächst sollen HIV-Selbsttester sollen an de Supermarchés kënnen verkaf ginn. Matt dësen Tester kann een dräi Méint no enger eventueller Ustiechung mat HIV, ouni Assistenz vu medezineschem Personal, bannent enger hallwer Stonn esou een Test maachen.

Dëst erméiglecht eng gutt Fréierkennung an déi betraffe Leit kënnen sech séier behandele loossen an hiert Ëmfeld schützen.

Och wann dës Measure ze begréissen ass, esou wéilt ech an dësem Kontext gäre folgend Präzisioune vun der Regierung froen:

- Wéi eng Qualitéitscritèrë gi geholl bei der Auswiel vun dësen Tester, wëssend datt esouwuel e falsche positiven, wéi e falschen negativen Test grouss Auswierkungen op déi betraffe Persounen hunn?
- De Fall gesat, eng betraffe Persoun mécht esou en Test op engem Weekend, wéi kann ee bei engem positive Resultat eng beschtméiglechste psychologesch Prise en Charge garantéieren?
- Wéi kann ee sécherstellen datt déi concernéiert Leit am beschte berode gi wéi si sech solle verhalten am Fall vun engem positive Resultat?
- Wier et net méi sënnvoll esouwuel am Hibleck vun enger optimaler Berodung vun de concernéierte Leit, wéi och am Kader vun enger optimaler Preventiounspolitik, wann een dës Tester géif gratis an den Apdikte kréien?
- Wier et net sënnvoll eng Informatiounsbroschür auszeschaffen, mat allen noutwendegen Informatiounen iwver d'Tester, hier Fiabilitéit an d'Demarchen déi ee soll ënnerhuele wann een sech getest huet, déi den Apdikter de concernéierte Leit kéint diskret matginn?

Här President, ech bieden lech mäin déifste Respekt unzehuelen.

Jean-Marie Halsdorf  
Deputéierten



LE GOUVERNEMENT  
DU GRAND-DUCHÉ DE LUXEMBOURG  
Ministère de la Santé

Dossier suivi par: JOME Laurent  
Tel: 247 85510  
Email: laurent.jome@ms.etat.lu

Monsieur le Ministre  
aux Relations avec le Parlement  
Service central de Législation  
43, boulevard Roosevelt  
L-2450 Luxembourg



Luxembourg, le 2 juillet 2019

**Concerne:** Question parlementaire n° 812 du 20 juin 2019 de Monsieur le Député Jean-Marie Halsdorf.

**Réf. :** 82cxc8c96

Monsieur le Ministre,

J'ai l'honneur de vous faire parvenir en annexe la réponse du soussigné à la question parlementaire n° 812 du 20 juin 2019 de Monsieur le Député Jean-Marie Halsdorf concernant l'"Autotest VIH".

Veuillez agréer, Monsieur le Ministre, l'assurance de ma considération très distinguée.



Étienne SCHNEIDER  
Ministre de la Santé





**Äntwert vum Här Etienne SCHNEIDER, Gesondheetsminister, op d'parlamentaresch Fro n° 812 vum 20. Juni 2019 vum Här Deputéierten Jean-Marie Halsdorf.**

---

D'Regierung huet effektiv beschloss d'HIV Selbsttester an Zukunft unzbedden, an zwar iwwert d'Apdikten an iwwert d'Supermarchéen. Et geet hei drëm d'Leit, déi soss sech net géifen teste loossen, ze motivéieren sech ze testen an domat ze erméiglechen méi schnell kënnen behandelt ze ginn, an och weider Ustiechungen ze vermeiden.

All Tester mussen natierlech den legale europäeschen a nationalen Obligatiounen a punkto « dispositifs médicaux » entsprechen an domat e Markage CE hunn fir kënnen an der Europäescher Unioun verkaf ze ginn. Aktuell ass just een Ubidder interesséiert säin Test zu Lëtzebuerg ze verkafen. Et handelt sech ëm d'Firma AAZ déi och an der Belsch an a Frankräich schonns um Maart ass, a vun de betreffenden Gesondheetsautoritéiten, notamment d'Haute Autorité de Santé a Frankräich, évaluéiert a recommandéiert ginn ass. De Risiko vu falsch positiven oder negativen Resultater besteet awer bäi all Test. Et gëtt dofir ganz kloer dorop higewisen dass et sech beim Selbsttest nëmmen ëm een "test de dépistage" handelt, an dass dofir all positiiv Resultat onbedéngt an engem "Laboratoire d'analyses médicales" muss bestätegt ginn.

D'Regierung iwwerleet am Moment nach op ee sollt de Selbsttest ënner verschidde Bedingungen gratis ubidden, fir den Accès un den Test weider ze vereinfachen.

D'Persoun déi ee Selbsttest mécht gëtt net eleng gelooss a ka jidder Zäit Hëllef an Ënnerstëtzung kréien, z.B. bäi der HIV-Berodung vum Roude Kräiz, der Associatioun Cigale, dem DIMPS (dispositif d'intervention mobile pour la santé affective et sexuelle), oder dem "Service national des Maladies infectieuses" am Centre Hospitalier de Luxembourg. Dëse leschten Service huet spezialiséiert Personal a funktionéiert 24/24 a 7/7, a gesäit och elo schonns nuets a weekends Leit déi e Risikoverhaalen haten, an Informatioun an Ënnerstëtzung sichen.

De "Comité de surveillance du SIDA, des hépatites infectieuses et des maladies sexuellement transmissibles" huet zesummen mat der Direktioun vun der Santé eng Informatiounsbrochür ausgeschafft déi Ufanks Juli wäert disponibel sinn an déi op 4 Sproochen (Däitsch, Franséisch, Englesch a Portugisesch) Informatiounen iwwert den Test an iwwert déi verschidde Ulafstellen gëtt déi Hëllef ubidden.